

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 76 65 08, Herri ikastetxea.

Antzuolako hamabostekaria, 16 zenbakia. 1998ko maiatzaren 8a.

Osasun zentroaren sarrera aldatuko da

Udalak arrapala bat ezartzea erabaki du zentrorako sarrera errazteko

Joan den asteko **Gobernu Batzordean** osasun zentrorako arrapala edo ranpa egitea onartu zen. Erabaki horrekin gaur egun jendeak zentrorara iristeko dituen arazoak saihestu nahi dira. Kotxez edo anbulantziak iristeko aukera eskainiko du egingo den arrapalak.

Antzuolar asko dira sendagilearengana joateko arazoak dituztenak. Kontsultategia egin zenean, ez zen kontutan izan bertara iristeko jarri zen eskaileraren arazoa. Ordutik, batek baino gehiagok arazoak izan ditu medikuarengana joan denean. Hanka apurtuta dutenek, ume txikiekin dihoazen gurasoak, jende nagusia... guztiek planteiatu dituzte kexak sendagilearengana joan behar izan direnetan. Azkenean Udalak eskaileraren arazoa konpontzea erabaki du. Joan den apirilaren 21ean egin zen **Gobernu Batzordean**, eskaileraren ordez arrapala bat egitea erabaki zuten. Osasuna eta Gizarte-Ongizatea batzordearen ustez "kontutan izan behar da oraingo osasun zentroaren egoera ona dela. Arazoa bertara iristeko bidean dago". Batzordearen arabera "arrapala eginez gero, autoak ateraino iritsiko direla ziurtatu beharra dago".

Diru laguntza eskatuko da

Osakidetzak honelako lanak egin ahal izateko aukera eskaini du. Hori dela eta, Udalak dirulaguntza eskatuko du "osasun zentrorako sarbidearen arazoaren konponketa azterlana egiteko" azkenengo **Gobernu Batzordean** erabaki zutenez.



Arrapala egingo dute oraingo eskaileraren ordez.

ZER DERITZOSU ZENTROKO SARRERARI BURUZ?



Kontxi Anduaga

Gaztiendako oso ondo darella uste dot baiña eskillarak bastante pendiente dare eta behin edate batera ailllegau ezkeru, danak dauke zeozer.



Pilar Etxaniz

Zentroa beheko solairuan egon beharko litzateke sarbidea zuzena izan dadin. Nire ustez, bestelako konponketak bitartekoak baino ez lirateke izango.



Anabella Delgado

Beste nonbaitetik izan beharko luke sarrera, errazagoa izan dadin; guri, agian, oraindik ez zaigu axola, baina zaharrentzako gaizki daude eskailerak.

Kalegoi ala Goenkale...



Jesus Mari Amasorrain

Zer gertatuko zatekeen Arraldeko Goenkaleren ordeztuak gidoigileek Antzuolako Kalegoi aukeratu balute? Konpara ditzaun biak:

Haurrak nahiko antzekoak dira; eskola, etxe-ko lanak, ligatzen saiatu, lagun zintzoenarekin haserretu, lehen zigarroroxoa eta zuritoxa izkutan...

Gazteen artean, etxetik kanpora ikasten duten estudiante tunanteak; lan mundua nahiago duten zentzudunak; ardi beltza baino galduago ibili ondoren bere burua zentratzea lortu dutenak; beti laguntzeko prest dagoen makarra erromantiko txima luzeduna; drogan sarturiko pijo edo makarra kaskarmotzak; urrutitik etorri eta bertako bihurtu direnak... Ez al dira antzuolarron pare-parekoak? Helduen artean: bikote egonkorak, ezegonkorak; guraso zentzudunak, zentzugabeak; enpresariak, medikua, apaiza, postaria, tabernaria, kultur etxe-ko ardura-duna (Antzuolan liburuzaina), etxe-koandrea eta nola ez, txutxumutxuka dabilen mari putzila (kotila).

Piramidearen puntan Gregorio, basoko haritz zahar maitea.

Barsobiari Sobia deitzen diote-nez, Kalegoi telesaioan Gaztetxea Tetxea litzateke. Hala ere, bi hutsune nabarmen ageri dira: hotela eta putetxea. ETBkoek zertxobait aldatu beharko lukete, Goenkaleren ordeztuak Kalegoi errodatzeko.

Eta portua? Horra Deskarga.

San Isidro Urruñako ikastolaren alde

Maiatzaren 16an ospatuko da San Isidro eguna Antzuolan. Ganadu, barazki eta gaztaiez gain, Urruñako ikastolari buruzko hitzaldia ere izango da udaletxean. Herriko baserrietako produktuekin batera, Iparraldekoenak ere egongo dira salgai pilotalekuan.

Barazkiak, fruituak, gaztaiak eta ganadua izango dira nagusi datorren aste-ko ferian. Pilotalekuan izango den erakusketan, herriko nekazari eta baserri-erekin batera, Iparraldeko nekazarien produktuak ikusteko eta erosteko aukera ere egongo da. Horretaz gain, taloa eta txorizoa egitekotan ere badira zenbait antzuolar. Jasotzen duten dirua Urruñako ikastolaren alde izango da.

Egun horretan bertan banatuko dira kukumarro lehiaketako sariak. Haur, gazte eta helduentzat antolatuta den lehiaketara aurkezteko epea maiatzaren 14an amaituko da.

Hitzaldia eskainiko dute Urruñakoek

Jai giroan ospatuko den San Isidro feriak elkartasuna adierazi nahi dio aurtengo Urruñako ikastolari. "1.000 harri behar ditugu ikastola eraikitzeko" kanpaina naren barruan, Urruñako ikastolako zenbait guraso eta irakaslek bertako ikastolaren egoerari buruzko hitzaldia eskainiko dute larunbatean, eguerdian, 12:00etan. Udaletxean eskainiko duten hitzaldian, Urruñako ikastolaren alde antzuolarrek erositako harrien banaketa ere egongo dute.

Hitzaldi ostean, Urruñako txaranga-ekin kalejira egingo da Aiherra kalera-ko. San Isidro egun hori aprobetxatuko du Udalak Aiherra kalea inauguratzeko. Herri bazkaria ere egingo da egun horretan eta ihauterietan dantzan aritu ziren antzuolarrak zerbait prestatzekotan dira eguna alaitzeko.



Aurten ere ganadua izango da San Isidrotan.

GOROSTI
Taberna

☎ 943 76 62 96
Zurrategi plaza ANTZUOLA

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

EGAÑA

Era guztietako arotz lanak

Tarima eta parketa jartzea
Zoruen kutxilatuta eta barnizatuak

Kalegoi 21, ANTZUOLA Tf.: 943 76 64 23



Bergararrak eta antzuolarrak elkarrekin, partidua hasi aurretik.

Antzuolako futbol talde nagusia arrisku bizian

Giroa eskasa izan bazen ere, jende dezente bildu zen joan den larunbatean Estalan jokatu zen derbya ikusteko. Norgehiagoka garrantzitsua zen antzuolarrentzat eta Bergara ligako txapelduna dela jakinda, neurketa erraza izango zela uste zuten antzuolarrek. Hala ere, kanpotarrek garaipena nahi zuten eta ez zizkieten gauzak erraztu. Bergararrek saso onean daudela erakutsi zuten. Lehenengo zatian markagailua kanpokoen aldekoa zen, 1 eta 2. Bigarren zatian, neurketa berdindu zuten antzuolarrek, baina berehala, penaltia etorri zen antzuolarren kalterako. Azkenean 2 eta 4 galdu zuten etxekoek eta bergararrak, ligako txapeldun direla baieztatu zuten. Xabier Barkero eta Oskar Azkarate izan ziren Antzuolakoen golegileak.

Errejonaleko lehen mailan mantentzeko arazoak dituzte antzuolarrek. Asteburu honetan jokatu duten norgehiagoka irabazi beharko dute, bigarren mailara jaitsi nahi ez badute. Eibarko Urki

taldearen aurka arituko dira asteburuan. Hala ere, Lasarte-Oria eta Urola taldeek egiten dutena erabakiorra izan daiteke antzuolarrentzat.

Afaria partidu ostean

Ohitura denez, derbya jokatzen den bakoitzean afaria egiten dute Antzuola eta Bergarako jokalariek. Joan den larunbatean ere elkarrekin afaldu zuten bergararrak eta antzuolarrek. Bertakoak ez zeuden umorez, baina azkenean kiroltasuna nagusitu zen eta jai giroan pasa zuten gaua.

Sarriegi taldea

Eguaztenean, maiatzak 13, bilera egingo dute Iker Sarriegiren taldeko kideek. Dagoeneko 90 lagunek eman dute izena taldeko kide izateko. Bileran lehendakaria eta juntakideak aurkeztuko dituzte 19:00etan.

Balkoi eta lore ederren lehiaketa

Hirugarren urtez egingo den balkoi eta lore ederren lehiaketan hartuko dute parte etxearen kanpoaldean lorak dituzten antzuolar guztiek. 15.000 PTAko bi sari banatuko dira, etxe zaharrak eta berriak bereiztuko baititu epaimahaiak. Sari banaketa San Juan bezperan egingo da, uztailaren 23an.

Diapositiba emanaldia

“Iparralde: Xiberuatik- Itsasora” izeneko diapositiba saioa eskainiko du Josu Eizagirik, maiatzaren 13an, eguakitzan, 19:30etan, zine aretoan.

Iparraldeko hauteskundeak mintzagai


Maiatzaren 14an, eguena, “Iparraldeko hauteskundeak eta emaitzak” izenburupean arituko dira Jean Michel Barbier eta Txomin Heguy Udaletxeo areto nagusian 19:30etan.

Pirinioetara irteera

Maiatzaren 23 eta 24an Pirinioetara joateko irteera antolatu du Arrolak. Izena ematea maiatzaren 18 eta 19an izango da, Arrolako lokalean 19:30etatik 20:30etara. Prezioa: 5.000 PTA (ikasle eta langabetuentzat 4.000). Zapatuan Lakartxela-Lakora zeharkaldia egingo dute mendigoizaleek eta domekan San Martin Harria-Auñamendi.

Udaleku irekiak

Uztailaren 1etik 14ra izango diren udaleku irekietarako begiraleentzako izen ematea zabalik dago jadanik. Euskalduna, antzuolarra eta 18 urte (edo gehiago) izatea eskatzen da. Interesatuak udaletxean eman dezakete izena.



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-urrezteak
- Bainugelak. Proiektuak momentuan egiten ditugu DIBaren bidez
- Birgaitze-espedienteak bideratzen ditugu

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutzilatua eta barnizaketa •

110 urteko historia bota dute Ankurkuarekin

Margarita Iturbe, Asensio Laskurain eta Patricia Lizarralderekin berbetan

Ankurkua bota zen apirilaren 6an. Patricia Lizarralderen ama zena izan zen Etxezarkura iritsi zen familia honetako lehenengo kidea. Dominika Estenagak hamalu urte zituen orduan eta bere aita eta anai-arrebekin etorri zen Antiguatik Etxezarkura orain dela 110 urte.

Etxe ondoko jolaslekua

Ankurkua gainean zeuden kanposantura igotzeko eskailerak. Asensio Laskurainek kontatu digunez "kanposantura igotzeko eskillaria zeguan lekuan, estratia zeguan eta bixen bittartian erretkatua etortzen zan". Dirudienez, herriaren kanpo aldetik pasatzen den errepi-dea egin aurretik, Ankurkua inguruan so-

roa baino ez zegoen. Leku berdea omen zen eta pilotalekuko aurrealdearekin batera, inguruko kale-baserrietako haurrentzako jolastoki aproposa zen. "Orduan etzeguan jolastokirik eta paraje hori oso politta zan. Gure etxe inguruan zenbat ume ibilli ete zan" azaldu zigun Margarita Iturbek.

Hiletaren bat zegoenean, huraxa izaten zen eskailerak igotzen hasi aurretik egiten zen azkenengo geldialdia. "Ankurko aurrian gelditzen zan entierria eta mahaixa etaratzen zan. Gero eskillarak igotzen zien eta han azkenengo lautada horretan *responsua* izeten zan. *Santi Espiritu* kalia horregaittik esaten jakon. Hidakua hortitxikan pasatzen zielako". Inguruko agureren batek jarri omen zion *Santi Espiritu* izena kale horri, baina Frontoi bideko bizilagunek, *Kantoi Kalia* izenez ezagutzen dute oraindik ere, pilotalekua eta Ankurkua izan zenaren arteko kalea.



Estenagatarrak kantoi-arteko etxera jaitsi zirenean etxearen izena Etxezarkua zen. Antiguatik, Matximenta izenez ezagutzen den etxetik, etorri ziren eta hark Ankurkua izena zuelako Etxezarkuari ere horrela deitu izan zaio orduetik. Asensio Laskurainek gogoratzen duenez, "harrezkero alaba zarrena ezkondu da etxera eta apellidua aldatzen jun da. Estenaga zien etorri zienak eta gero Arrandaittik Lizarralde etorri zan eta Iriartetik, Iturbe".

Garai hartan Ankurkuak beheko pisuan zuen etxebizitza. Sukaldea, orduko etxe gehienek bezala, lurrean bertan egina zegoen. Urteak pasa ahala Ankurkuak aldaketa asko izan ditu. 1901.ean kanposantu aldera gero zaltagia izan zena gehitu zioten eta Margarita Iturbe ezkondu zenean, Kalebarren aldera etxeari pisu bat gehitzeko lanak egin ziren. "Oin dala 65 bat urte egin zien etxea igotzeko lanak, eta habitaziñuak altuak egin zien argi gehixao sartzeko, pelotalekua altua zan eta. Gero pelotalekua itxitzera jun zientian, eguzkixa kendu zotzan eta baita plaza ikusteko aukeria be".

1901.ean kanposantu aldera gero zaltagia izan zena gehitu zioten



Ankurkua, Aiherra kaletik ikusita




TXOMIN
garajea

Mekanika orokorra

Lizarragako hiribidea 8 ANTZUOLA
Tf. 943 78 70 77

GAILUR

taberna eta
gozotegia



Buztinzuri 13 ANTZUOLA
Tf. 943 78 70 32

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak
- Paper margotuak
- Mokatak eta tapizatuak

LARREA

TABERNA

Kalebarren 17
ANTZUOLA